

**Comunu de Quartu Sant' Aleni**

**Tzitadi Metropolitana de Casteddu**

**DELIBERATZIONI DE SA GIUNTA COMUNALI**

**Nùmeru 11 de su 19/01/2024**

**Ogetu: CATASTU FOGUS COMUNALI CUNFORMA A S'ART. 10, C.2 DE SA LEI 353/2000 LEI CUADRU IN CHISTIONI DE FOGUS IN PADENTI - ADOTZIONI DE S'AGIORNAMENTU DE IS ELECUS DE IS TERRENUS FERTUS DE SU FOGU E DE IS PERIMETRATZIONIS IN IS ÙRTIMUS CINCU ANNUS.**

S'annu 2024, s' 19 de su mesi de Gennaxu, a ora de is 12.10 in Quartu Sant'Aleni, in sa sala comunali, cunvocada cunforma a sa lei, s' est atobiada sa Giunta Comunali. Funt presentis is sennoris:

<b>Sìndigu</b>	<b>Presenti</b>
<b>MILIA Graziano Ernesto</b>	<b>No</b>
<b>Assessoris</b>	
<b>SANNA Salvatore</b>	<b>Eja</b>
<b>CAMBONI Marco</b>	<b>Eja</b>
<b>CARTA Cinzia</b>	<b>Eja</b>
<b>COGONI Tiziana</b>	<b>Eja</b>
<b>CONTI Antonio Mauro</b>	<b>Eja</b>
<b>MANCA Barbara</b>	<b>Eja</b>
<b>PERRA Rossana</b>	<b>No</b>
<b>VANINI Aldo</b>	<b>Eja</b>

Presentis: 7    Ausentis: 2

Pigat parti a sa setziada su Segretàriu Generali Maggio Paolo.  
S'Assessori SANNA Salvatore ndi liat sa presidèntzia e, de chi at averiguau chi ddoi at su nùmeru legali, cumentzat sa setziada.

## SA GIUNTA COMUNALI

**Postu chi** custu provvedimento est fatu in cunformidadi a is indiritzus de s'Aministratzioni cun riferimentu:

- a sa Deliberatzioni de su Consillu Comunali n. 114 de su 19.12.2023 chi at aprovau sa Nota de aggiornamentu DOCUMENTU ÒNICU DE PROGRAMATZIONI (DUP) 2024/2026 - ART. 170 c.1 DE SU D.LGS. 267/2000;
- a sa Deliberatzioni de su Consillu Comunali n. 116 de su 19.12.2023 chi at aprovau su Bilàntziu de Previsioni Finantziàriu 2024/2026 e sa nota integrativa;
- a sa Deliberatzioni de sa Giunta Comunali n. 2 de su 05/01/2024 cun su "Pianu Esecutivu de Gestioni (PEG) 2024/2026";
- Deliberatzioni de Giunta Comunali n. 25 de su 01.02.2023 cun: "Aprovatzioni Pianu Integrau de Atividadis e Organizatzioni (PIAO) 2023/2025";

### **Cunsiderau finas chi:**

- cun Deliberatzioni n.247 de su 10/09/2021 ant istituìu, cunforma a s'art.10 c.2 de sa lei 353/2000 "Lei-cuadru in chistioni de fogus", su Catastu Fogus Comunali;
- cun sa pròpiu Deliberatzioni ant donau sa cumpetèntzia po s'aggiornamentu de su catastu fogus a su Dirigenti de sa Pianificatzioni Urbanistica – Pianificatzioni stràtègica – Suape - Fundus U.E. – Paesàgiu –Atividadis Produtivas – Promotzioni de su Territòriu, Turismu, agiudau de su dirigenti cumpetenti po sa gestioni de su Sistema Informàticu Territoriali (SIT);
- cun Deliberatzioni n.307 de su 17/11/2021 funt aprovaus is elencus de is terrenus fertus de su fogu in is annus 2016-2020;
- su pròpiu artìculu 10 c.2 de sa lei 353/2000 narat ca is Comunas, dònna annu, cun sa protzedura de adotzioni, publicatzioni e aprovatzioni definitiva, aggiornant custu Catastu, gràtzias finas a is rilievus de sa Forestali de su Stadu;
- cun Deliberatzioni n.196 de su 29/07/2022 e n.240 de su 20/09/2022 est aprovau a manera definitiva s'elencu arremonau;

**Bius** is documentus aprontaus de su Setori Pianificatzioni Urbanistica – Pianificatzioni Stràtègica – Suape - Fundus U.E. –Paesàgiu –Atividadis Produtivas – Promotzioni de su Territòriu, Turismu, pertocantis su Catastu Fogus Comunali 2018-2022:

- All. A1 – Documentu 1 – Molentàrgius/Tzentru urbanu annus 2018-2022;
- All. A2 – Documentu 2 – Màrgine Rosso/Flùmini annus 2018 -2022;
- All. A3 - Documentu 3 –Flùmini/Geremeas – annus 2018 -2022;
- All. A4 – Elencu Partixeddas annus 2018 -2022;

**Bida** sa proposta de deliberatzioni n. 07 de su 12/1/2024, de su Setori Pianificatzioni Urbanistica – Pianificatzioni Stràtègica – Suape - Fundus U.E. –Paesàgiu –Atividadis Produtivas – Promotzioni de su Territòriu, Turismu, po sa chistioni in ogetu;

**Arriciu**, cunforma a is Artìculus 49 e 147bis, de su D.Lgs. 18/08/00, n. 267, su parri a favori de regularidadi tècnica, de parti de su Dirigenti de su Setori Pianificatzioni Urbanistica – Pianificatzioni Stràtègica – Suape - Fundus U.E. –Paesàgiu –Atividadis Produtivas – Promotzioni de su Territòriu, Turismu;

**Arriciu** finas su parri de cunformidadi amministrativa, a is leis, a su Statutu e a is Regulamentus segundu s'art. 97, c.2, de su D.Lgs n. 267/00, e a s'art. 4, c.4, de su Regulamentu Comunali in contu de averiguamentus internus, de parti de su Segretàriu Generali;

**Bida** sa Lei 353 de su 21/11/2000 Lei-Cuadru in contu de fogus in padenti;

**Biu** su tìtulu IV de sa Lei Regionali n 8 de su 27 de abrili 2016 Lei Forestali de sa Sardigna;

**Biu** su Decretu Lei n.120 de su 08/09/2021 "Dispositzionis contras a is fogus e àteras measuras de apretu de protetzioni tzivili" mudau in sa Lei n.155 de su 08/11/2021 cun modificatzionis;

**Biu** su Pianu regionali de previsionis, preventzionis contras a is fogus 2023/2025 – de su cali a sa deliberatzioni de Giunta Regionali 24/29 de su 13/07/2023;

**Biu** su D. Lgs. 18 de austu 2000, n. 267 cun su "T.U.E.L de is leis asuba de s'Ordinamentu de is Entis Localis";

**Biu** su Statutu Comunali;

### **DELÌBERAT**

**De adotai** is aggiornamentus de is documentus afatantis, aprontaus de su Setori Pianificatzioni Urbanistica – Pianificatzioni Stratègica – Suape - Fundus U.E. –Paesàgiu –Atividadis Produtivas – Promotzioni de su Territòriu, Turismu, pertocantis su Catastu Fogus Comunali 2018-2022:

- All. A1 – Documentu 1 – Molentàrgius/Tzentru urbanu annus 2018-2022;
- All. A2 – Documentu 2 – Màrgine Rosso/Flùmini annus 2018 -2022;
- All. A3 - Documentu 3 –Flùmini/Geremeas – annus 2018 -2022;
- All. A4 – Elencu Partixeddas annus 2018 -2022;

**De decrarai** cun votatzioni a totòmini chi custa deliberatzioni est esecutiva luegus etotu, cunforma a s' art. 134, puntu 4, de su D.Lgs. 18 de austu 2000, n. 267.